

Genus a genere *Labops* Burm., genere divisionis *Laboparia*, structura areolae membranae, tibiis muticis, structura tarsorum aroliorumque longe divergens. Oculis longe stylatis generi *Sinervus* Stål (*Spartacus* Dist.), etiam divisionis *Bryocoraria* generi, similis, structura antem cunei et membranae plurimisque aliis notis mox distinguendum.

Hesperolabops gelastops Kirk. Colore nonnihil varians, opacus, glaber, sanguineus vel ochraceus, ad partem magis minusve nigricans; hemielytris griseo-nigricantibus, obsolete remote punctatis; latitudine interoculari capitis oculo circiter quadruplo latiore; antennis articulo secundo primo circiter duplo longiore; pronoto, limbo apicali excepto, latitudine basali dimidio brevior, disco postico fortiter dense impresso-punctato. Long. 6, lat. hemielytrorum $2\frac{1}{2}$ mm.

Hesperolabops gelastops Kirk., Trans. Ent. Soc. Lond., 1902, P. II, p. 250.

Var. *a*: Sanguinea, oculis, antennis, rostro, articulo primo excepto, pedibusque nigris; hemielytris griseo-nigricantibus, unicoloribus; femoribus interdum lutescentibus; ventre interdum magis minusve infuscato.

Orizaba, 3 sp.; Guadalupe, M. Isabell, 1 sp.

Var. *b*, *nigriceps* m.: Nigricans, pleuris pectoris antice apiceque abdominis (interdum) rufescentibus; pronoto ochraceo, callis infuscatis, scutello sordide ochraceo, marginibus elevatis nigricantibus; femoribus sordide lutescentibus, seriatim nigro-punctatis; hemielytris grisescenti-nigricantibus, limbo laterali sordide pallescente.

Mexico, 1 sp.

Neella nov. gen.

Corpus oblongum vel subelongatum, hemielytris lateribus levissime vel leviter aequaliter rotundatis, rarius parallelis, interdum apicem versus dilatatis; capite basi pronoti $\frac{1}{6}$ — $\frac{1}{4}$ angustiore, a supero viso pronoto fere dimidio brevior, fortiter transverso, inter antennas breviter vel plerumque omnium brevissime et obtusissime rotundato, mox ante oculos subito perpendiculari, vertice modice lato, plano et horizontali postice inter oculos paullo latiore, apice saepe utrinque ad oculum foveola obtusa impressa; capite ab antico viso transverso, a latere viso altitudine circiter dimidio brevior, fronte clypeoque perpendicularibus, illa convexiuscula, hoc usque a basi prominente, a latere viso lineari, basi a fronte impressione optime discreto, ipsa basi paullo supra medium capitis a latere visi posita, angulo faciali recto, genis oculis saltem aequae altis, gula suberecta; oculis sublaevibus, magnis, ultra angulos anticos pronoti fortiter exsertis, orbita interiore ante marginem verticis subito oblique extrorsum curvato, limbum angustum verticis liberum relinquente, margine hac obliquo postico cum margine interiore angulum obtusum formante; rostro coxas posticas attingente, articulo primo tertiam basalem partem rostri occupante, secundo primo paullo graciliore et nonnihil longiore, duobus ultimis simul sumtis secundo distincte brevioribus; antennis ad tertiam apicalem partem marginis interioris vel paullo supra apicem oculorum insertis, articulis duobus primis crassitie subaequalibus, primo apicem clypei subattingente, secundo latitudini capitis vix aequae longo — hac paullo longiore, lineari vel ante apicem subincrassato et versus apicem leviter gracilimente, ultimis gracillimis, longitudine subaequalibus simul sumtis secundo aequae longis vel longioribus; pronoto transverso, lateribus medio sat fortiter sinuatis, limbo apicali stricturam etiam medio postice bene determinatum formante, hac strictura articulo primo antennarum saltem aequae crassa, callis magnis, transversalibus, medium longitudinis pronoti attingentibus vel subattingentibus, in margines laterales extensis, medio sulco discretis, disco postico parum vel leviter convexo,